

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 40., članom 41. stav (2) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

ODLUKU

o usvajanju Programa utroška sredstava u razdjelu 22 - Ministarstvo za obrazovanje, nauku, kulturu i sport, pozicija “Tekući transferi pojedincima“ - Tekući transfer za naučnoistraživačku djelatnost“ - izvor 10, Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614200, subanalitika MAD 204, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), pozicija „Tekući transferi pojedincima“ – „Tekući transfer za naučnoistraživačku djelatnost“ - izvor 10 u ukupnom godišnjem iznosu od 250.000,00 KM (slovima: dvijestotinepedesethiljada konvertibilnih maraka), a koji čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Dodjela sredstava)

Sredstva će se dodjeljivati u skladu sa Kriterijima za dodjelu sredstava za naučnoistraživačku djelatnost Ministarstva za obrazovanje nauku i sport, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-11-2813/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x “Službene novine Zeničko-dobojskog kantona”,

1x a/a.

P R O G R A M

utroška sredstava u razdjelu 22 - Ministarstvo za obrazovanje, nauku, kulturu i sport pozicija "Tekući transferi pojedincima" - Tekući transfer za naučnoistraživačku djelatnost" - izvor 10 Budžeta Zeničko-dobojskog kantona za 2026. godinu

Član 1.

(Svrha Programa)

Svrha ovog programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, pozicija „Tekući transferi pojedincima“- „Tekući transfer za naučnoistraživačku djelatnost“ - izvor 10, koriste za sufinansiranje naučnoistraživačke djelatnosti.

Član 2.

(Visina sredstava)

Visina sredstava utvrđena ovim programom iznosi 250.000,00 KM (slovima: dvijestotine pedesethiljada konvertibilnih maraka).

Član 3.

(Izvor sredstava)

Izvor sredstava: Budžet Zeničko-dobojskog kantona za 2026. godinu, („Službene novine Zeničko-dobojskog kantona“, broj: 24/25), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, pozicija „Tekući transferi pojedincima“- „Tekući transfer za naučnoistraživačku djelatnost“ - izvor 10.

Član 4.

(Dodjela sredstava)

- (1) Sredstva planirana ovim programom dodjeljuju se do ukupnog iznosa 250.000,00 KM.
- (2) Sredstva se dodjeljuju nakon provedene konkursne procedure, na prijedlog Ministarstva za obrazovanje, nauku, kulturu i sport posebnim odlukama Vlade Kantona za:
 - a) Odbranu doktorskih radova,
 - b) Naučnoistraživačku djelatnost za:
 - 1) Organizovanje naučnih skupova na području Zeničko-dobojskog kantona,
 - 2) Učešće naučnih radnika na naučnim skupovima u zemlji i inostranstvu,
 - 3) Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona,
 - 4) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine).

(3) Sredstva se dodjeljuju na osnovu pojedinačnih zahtjeva, na prijedlog Ministarstva za obrazovanje, nauku, kulturu i sport posebnim odlukama Vlade Kantona za:

a) Takmičenja studenata sa viskokoškolskih ustanova na području Zeničko-dobojskog kantona i objavljivanje izvanrednih, stručnih radova studenata (sa viskokoškolskih ustanova na području Zeničko-dobojskog kantona) u toku redovnog studija po prijedlogu rukovodioca visokoškolskih ustanova na području Zeničko-dobojskog kantona,

b) Nagrade najboljim studentima koji studiraju na viskokoškolskim ustanova na području Zeničko-dobojskog kantona za ostvarene rezultate tokom redovnog studija na I, II i III ciklusu studija,

c) Akademiji nauka i umjetnosti Bosne i Hercegovine,

d) Udruženju Vijeće Kongresa bošnjačkih intelektualaca.

Član 5.

(Korisnici sredstava)

Korisnici sredstava iz člana 2. ovog programa su:

- a) pojedinci za odbranu doktorskih radova,
- b) organizatori naučnih skupova,
- c) naučni radnici koji učestvuju na naučnim skupovima,
- d) naučno-istraživački instituti koji su registrirani za obavljanje naučno-istraživačke i stručne djelatnosti, fondacije, udruženja,
- e) pojedinci za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
- f) pojedinci, nastavno-naučni radnici (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) koji objavljuju radove u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,
- g) studenti sa viskokoškolskih ustanova na području Zeničko-dobojskog kantona koji učestvuju na takmičenjima i studenti koji objavljuju izvanredne, stručne radove u toku redovnog studija (na prijedlog rukovodioca visokoškolskih ustanova na području Zeničko-dobojskog kantona)
- h) najbolji studenti koji studiraju na viskokoškolskim ustanova na području Zeničko-dobojskog kantona za ostvarene rezultate u toku redovnog studija na I, II i III ciklusu studija,
- i) Akademija nauka i umjetnosti Bosne i Hercegovine i
- j) Udruženje Vijeće Kongresa bošnjačkih intelektualaca.

Član 6.

(Distribucija sredstava)

(1) Distribucija sredstava vršit će se posebnom Odlukom Vlade Zeničko-dobojskog kantona o odobravanju sredstava sa razdjela 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD

204, Budžeta Zeničko-dobojskog kantona za 2026. godinu, pozicija „Tekući transferi pojedincima“ - „Tekući transfer za naučnoistraživačku djelatnost“- izvor 10.

(2) Distribucija sredstava vršit će se u sljedećim iznosima:

- a) Odbrana doktorskih radova u iznosu do 10.000,00 KM;
- b) Naučnoistraživačka djelatnost u iznosu do 170.000,00 KM i to za:
 - 1) Organizovanje naučnih skupova na području Zeničko-dobojskog kantona,
 - 2) Učešće naučnih radnika na naučnim skupovima u zemlji i inostranstvu,

3) Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona,

4) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanovama na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,

c) Takmičenje studenata sa visokoškolskih ustanova na području Zeničko-dobojskog kantona i objavljivanje izvanrednih, stručnih radova studenata (sa visokoškolskih ustanova na području Zeničko-dobojskog kantona) u toku redovnog studija po prijedlogu rukovodioca visokoškolskih ustanova na području Zeničko-dobojskog kantona u iznosu do 10.000,00 KM,

d) Nagrade najboljim studentima koji studiraju na visokoškolskim ustanovama na području Zeničko-dobojskog kantona za ostvarene rezultate tokom redovnog studija na I, II i III ciklusu studija u iznosu do 10.000,00 KM,

e) Akademija nauka i umjetnosti Bosne i Hercegovine do 25.000,00 KM,

f) Udruženju Vijeće Kongresa bošnjačkih intelektualaca do 25.000,00 KM.

Član 7.

(Distribucija odobrenih sredstava)

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

(Izveštaj o utrošku sredstava)

Korisnici sredstava su dužni dostaviti izvještaj o namjenskoj upotrebi odobrenih sredstava Ministarstvu za obrazovanje, nauku, kulturu i sport najkasnije tri mjeseca po primitku sredstava.

Član 9.

(Izveštaj o realizaciji Programa)

Izveštaj o namjenskoj upotrebi odobrenih sredstava Ministarstvo za obrazovanje, nauku, kulturu i sport polugodišnje dostavlja Vladi Zeničko-dobojskog kantona.

Broj: 02-11-2813/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x "Službene novine Zeničko-dobojskog kantona",

1x a/a.

KRITERIJI ZA DODJELU SREDSTAVA ZA NAUČNOISTRAŽIVAČKU DJELATNOST ZA 2026. GODINU

**Član 1.
(Predmet Kriterija)**

- (1) Kriterijima za dodjelu sredstava za naučnoistraživačku djelatnost za 2026. godinu (u daljem tekstu: Kriteriji) utvrđuju se način i postupak dodjele sredstava iz Tekućih transfera pojedincima- Tekući transfer za naučnoistraživačku djelatnost (u daljem tekstu: Tekući transfer) i to za:
 - a) Organizovanje naučnih skupova na području Zeničko-dobojskog kantona,
 - b) Učešće naučnih radnika na naučnim skupovima u zemlji i inostranstvu,
 - c) Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona,
 - d) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
 - e) Objavljivanje radova nastavno-naučnih radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, broj: 01-02-1-4628/22 od 04.11.2022. godine),
 - f) Odbranu doktorskih radova.
- (2) Ukupan iznos sredstava koji se može dodijeliti jednom korisniku ne može biti veći od 12.000,00 KM (slovima: dvanaest hiljada konvertibilnih maraka).
- (3) Maksimalan iznos sredstava koji se može dodijeliti jednom korisniku za organizovanje naučnih skupova na području Zeničko-dobojskog kantona iznosi 12.000,00 KM (slovima: dvanaest hiljada konvertibilnih maraka), s time da se sredstva ne dodjeljuju za organizovanje naučnih skupova na području Zeničko-dobojskog kantona kojima Komisija iz člana 6. ovih Kriterija dodijeli manje od 60 bodova.
- (4) Maksimalan iznos sredstava koji se može dodijeliti jednom korisniku za Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona iznosi 10.000,00 KM (slovima: deset hiljada konvertibilnih maraka), s time da se sredstva ne dodjeljuju naučno-istraživačkim i stručnim projektima od značaja za društveni i privredni razvoj Zeničko-dobojskog kantona kojima Komisija iz člana 6. ovih Kriterija dodijeli manje od 60 bodova.
- (5) Maksimalan iznos sredstava koji se može dodijeliti jednom korisniku za učešće naučnih radnika na naučnim skupovima u zemlji i inostranstvu iznosi 2.000,00 KM (slovima: dvije hiljade konvertibilnih maraka).
- (6) Maksimalan iznos sredstava koji se može dodijeliti jednom korisniku izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona iznosi 3.000,00 KM (slovima: tri hiljade konvertibilnih maraka).
- (7) Maksimalan iznos sredstava koji se može dodijeliti jednom korisniku za objavljivanje radova nastavno-naučnih radnika (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanova na području Zeničko-dobojskog kantona i imaju prebivalište na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i

međunarodnih serijskih publikacija Univerziteta u Zenici iznosi 2.000,00 KM (slovima: dvijehiljade konvertibilnih maraka).

Član 2.

(Smjernice za dodjelu sredstava)

- (1) Smjernice za dodjelu sredstava odnose se na bodovanje Organizacije naučnih skupova na području Zeničko-dobojskog kantona i Realizacije naučno-istraživačkih i stručnih projekata od značaja za društveni i privredni razvoj Zeničko-dobojskog kantona.
- (2) Raspodjela sredstava vrši se na osnovu bodovanja kvaliteta, značaja i potencijala naučnog skupa na području Zeničko-dobojskog kantona i realizacije naučno-istraživačkog i stručnog projekta od značaja za društveni i privredni razvoj Zeničko-dobojskog kantona.
- (3) Kvalitetnim naučnim skupovima organizovanim na području Zeničko-dobojskog kantona i naučno-istraživačkim i stručnim projektima od značaja za društveni i privredni razvoj Zeničko-dobojskog kantona dodjeljuju se sredstva proporcionalno bodovima koje im dodijeli Komisija iz člana 6. ovih Kriterija.
- (4) Bodovanje Organizacije naučnih skupova na području Zeničko-dobojskog kantona vrši se na osnovu sljedećih kriterija:

Red. br.	Kriterij	Maksimalan broj bodova
1.	Naučna relevantnost teme skupa – aktuelnost, značaj za oblast i/ili društvo	20
2.	Ciljevi i očekivani rezultati skupa – jasno definisani, mjerljivi i ostvarivi (npr. Izdavanje zbornika radova)	10
3.	Učesnici skupa – broj i profil učesnika (npr. akademici, istraživači, doktoranti)	10
4.	Međunarodni karakter – učešće stranih izlagača i institucija	10
5.	Učešće mladih istraživača	5
6.	Organizacioni kapacitet podnosioca – prethodno iskustvo u organizaciji naučnih skupova	10
7.	Plan diseminacije rezultata – publikacija radova, otvoreni pristup, medijska promocija	10
8.	Realističnost i opravdanost budžeta – jasno prikazani i opravdani troškovi	10
9.	Partnerstvo i saradnja s drugim institucijama	5
10.	Doprinos javnom interesu / razvoju nauke u ZDK	10

Ukupno: 100 bodova.

- (5) Bodovanje Realizacije naučno-istraživačkih i stručnih projekata od značaja za društveni i privredni razvoj Zeničko-dobojskog kantona vrši se na osnovu sljedećih kriterija:

Red. br.	Kriterij	Maksimalni broj bodova
1.	Relevantnost teme i doprinos oblasti	20
2.	Jasno definisani ciljevi i metodologija istraživanja	15
3.	Praktična primjenjivost rezultata (naučnih, stručnih, organizacionih)	15

4.	Kapacitet i stručnost podnosioca (raniji projekti, stručnost učesnika projekta)	10
5.	Plan diseminacije ili javne dostupnosti rezultata (izdavanje publikacija, javna objava rezultata, medijska promocija)	10
6.	Opravdanost budžeta (jasno prikazani i opravdani troškovi)	10
7.	Usklađenost s razvojnim prioritetima kantona	10
8.	Učešće mladih istraživača	5
9.	Multidisciplinarnost i međuinstitucionalna saradnja	5

Ukupno: 100 bodova.

Napomena: Kriterij “učesće mladih istraživača” se odnosi na mlade istraživače do 35 godina starosti.

- (6) Organizacija naučnih skupova na području Zeničko-dobojskog kantona se boduje od 0 do 100 bodova.
- (7) Realizacija naučno-istraživačkih i stručnih projekata od značaja za društveni i privredni razvoj Zeničko-dobojskog kantona se boduje od 0 do 100 bodova.
- (8) Izuzetno od stava (3) ovog člana za Organizaciju naučnih skupova na području Zeničko-dobojskog kantona i Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona kojima Komisija iz člana 6. ovih Kriterija dodijeli manje od 60 bodova ne dodjeljuju se sredstva.
- (9) Sredstva koja se dodjeljuju za Organizaciju naučnih skupova na području Zeničko-dobojskog kantona i za Realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona računaju se u skladu sa sljedećim koracima (formulom):
- od iznosa predviđenog za naučnoistraživačku djelatnost oduzimaju se sredstva prethodno dodijeljena za korisnike iz člana 1. stav (1) tačka b), d) i e) ovih Kriterija. Dobijeni iznos su raspoloživa sredstva,
 - Raspoloživa sredstva iz tačke a) ovog stava se dijele sa ukupnim brojem bodova svih prijava za organizaciju naučnih skupova i za realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona kojima je dodijeljeno 60 i više bodova. Dobijeni rezultat je vrijednost jednog boda.
 - Sredstva koja se dodjeljuju jednom korisniku računaju se tako što se broj bodova koji je dodijeljen jednom korisniku množi sa vrijednošću jednog boda.
- (10) Komisija iz člana 6. ovih Kriterija može da u izuzetnim slučajevima, uz obrazloženje, odstupa od koraka (formule) predviđenih stavom (9) ovog člana (npr. za strateški važne projekte, zatim kad su raspoloživa sredstva veća od ukupno taženog iznosa od strane kandidata ili u drugim opravdanim slučajevima).
- (11) U slučaju istog broja bodova, prednost imaju projekti koji:
- uključuju više mladih istraživača,
 - imaju veći društveni uticaj,
 - odnose se na manje zastupljene ili prioritetne oblasti za Zeničko-dobojski kanton.

Član 3.

(Korisnici sredstava)

Korisnici sredstava iz člana 1. ovih kriterija su:

- organizatori naučnih skupova,
- naučni radnici koji učestvuju na naučnim skupovima,
- naučno-istraživački instituti koji su registrirani za obavljanje naučno-istraživačke i stručne djelatnosti, fondacije, udruženja,

- d) pojedinci za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona,
- e) pojedinci, naučno-nastavni radnici (koji su uposlenici na visokoškolskim ustanovama na području Zeničko-dobojskog kantona ili koji su angažovani na visokoškolskim ustanovama na području Zeničko-dobojskog kantona i imaju prebivalište na području Zeničko-dobojskog kantona) koji ispunjavaju uslove utvrđene ovim Kriterijima, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici i javnim konkursom,
- f) pojedinci za odbranu doktorskih radova.

Član 4.

(Javni konkurs)

Sredstva iz člana 1. ovih kriterija dodjeljuju se putem javnog konkursa koji se objavljuje u jednom dnevnom listu i na web stranici Zeničko-dobojskog kantona, sa time da krajnji rok za podnošenje prijave ne može biti kraći od 15 dana od dana objavljivanja.

Član 5.

(Pravo učešća na konkursu)

- (1) Pravo učešća na javnom konkursu za dodjelu sredstava iz člana 1. tačka a) i c) ovih kriterija ima pravno lice koja ispunjava sljedeće uslove:
 - a) da je registrirano za obavljanje naučnoistraživačke djelatnosti ili za organizovanje naučnih skupova na području Zeničko-dobojskog kantona ili na području F BiH ili na području BiH,
 - b) da je naučni skup, naučno-istraživački ili stručni projekat organizovan, odnosno realizovan ili će biti organizovan, odnosno realizovan u 2026. godini na području Zeničko-dobojskog kantona.
- (2) Pravo učešća na javnom konkursu za dodjelu sredstava iz člana 1. tačka b), ovih kriterija ima kandidat koji ispunjava sljedeće uslove:
 - a) da je državljanin Bosne i Hercegovine,
 - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona,
 - c) da mu je rad prihvaćen od strane organizatora naučnog skupa koji je održan ili će se održati u 2026. godini,
 - d) da iz vlastitih sredstava uplaćuje troškove kotizacije.
- (3) Pravo učešća na javnom konkursu za dodjelu sredstava iz člana 1. tačka d), ovih kriterija ima autor koji ispunjava sljedeće uslove:
 - a) da je državljanin Bosne i Hercegovine,
 - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanovama na području Zeničko-dobojskog kantona i ima prebivalište na području Zeničko-dobojskog kantona,
 - c) da univerzitetski udžbenik/monografiju izdaje visokoškolska ustanova na području Zeničko-dobojskog kantona,
 - d) da ima odluku senata visokoškolske ustanove donesenu 2026. godine o davanju saglasnosti za objavljivanje univerzitetskog udžbenika/monografije.
- (4) Pravo učešća na javnom konkursu za dodjelu sredstava iz člana 1. tačka e), ovih kriterija ima autor koji ispunjava sljedeće uslove:

- a) da je državljanin Bosne i Hercegovine,
 - b) da je uposlenik na visokoškolskim ustanovama na području Zeničko-dobojskog kantona ili da je angažovan na visokoškolskim ustanova na području Zeničko-dobojskog kantona i ima prebivalište na području Zeničko-dobojskog kantona,
 - c) da je kandidat nastavno-naučni radnik (koji je uposlenik na visokoškolskim ustanovama na području Zeničko-dobojskog kantona ili koji je angažovan na visokoškolskim ustanova na području Zeničko-dobojskog kantona i ima prebivalište na području Zeničko-dobojskog kantona) u 2026. godini objavio rad u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici,
 - d) da iz vlastitih sredstava uplaćuje troškove za objavu rada u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici.
- (5) Pravo učešća na javnom konkursu za dodjelu sredstava iz člana 1. tačka f), ovih kriterija ima kandidat koji ispunjava sljedeće uslove:
- a) državljanin Bosne i Hercegovine,
 - b) da ima prebivalište na području Zeničko-dobojskog kantona,
 - c) da je odbranio doktorski rad u 2026. godini ili ima odlukom Senata zakazan datum odbrane doktorskog rada do 31.12.2026. godine,
 - d) kandidat koji je odbranio doktorski rad u periodu od dana objavljivanja Javnog konkursa za dodjelu sredstava za sufinansiranje troškova odbrane doktorskog rada 10.10.2025. godine (u listu Oslobođenje) do 31.12.2025. godine, a nisu mu dodijeljena sredstva za sufinansiranje troškova odbrane doktorskog rada od strane Ministarstva za obrazovanje, nauku, kulturu i sport Zeničko-dobojskog kantona.
- (6) Budžetski korisnici koji se djelimično ili u cjelosti finansiraju iz Budžeta Zeničko-dobojskog kantona nemaju pravo učešća na javnom konkursu za dodjelu sredstava iz člana 1. stav (1) tačka a) i c), ovih kriterija.
- (7) Kandidati koji su ostvarili pravo na sufinansiranje troškova odbrane doktorskog rada od javnog sektora (općina/grad, Kanton, FBiH, BiH, fondovi, ministarstava i javna preduzeća) ili su oslobođeni predmetnih troškova od strane visokoškolske ustanove na kojoj su stekli ili će steći zvanje doktora nauka, nemaju pravo učešća na javnom konkursu za dodjelu sredstava iz člana 1. tačka f), ovih kriterija.

Član 6.

(Imenovanje i zadaci Komisije)

- (1) Ministar za obrazovanje, nauku, kulturu i sport Zeničko-dobojskog kantona rješenjem imenuje Komisiju za razmatranje primljenih prijava na javni konkurs iz člana 4. ovih kriterija (u daljem tekstu: Komisija).
- (2) Komisija se sastoji od najmanje 7 članova, od koji je jedan predsjedavajući, a ostali su članovi Komisije.
- (3) Članovi Komisije iz stava (2) ovog člana su predstavnici Ministarstva za obrazovanje, nauku, kulturu i sport Zeničko-dobojskog kantona i predstavnici visokoškolskih ustanova sa područja Zeničko-dobojskog kantona.
- (4) Članovi Komisije predstavnici Ministarstva za obrazovanje, nauku, kulturu i sport Zeničko-dobojskog kantona utvrđuju blagovremenost i potpunost dokumentacije.
- (5) Članovi Komisije predstavnici visokoškolskih ustanova sa područja Zeničko-dobojskog kantona vrše bodovanje u skladu sa članom 2. ovih kriterija.

- (6) Komisija provjerava potpunost i blagovremenost dostavljene dokumentacije i vrši bodovanje u skladu sa ovim Kriterijima, Tabelom A. Glavne indeksne baze podataka i Tabelom B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici i smjernicama za dodjelu sredstava iz člana 2. ovih Kriterija, te utvrđuje iznose koji se dodjeljuju kandidatima na konkursu i podatke o kandidatima unosi u odgovarajuće obrasce u tabelarnom obliku.
- (7) Nakon provjere potpunosti i blagovremenosti dokumentacije iz stava (4) ovog člana i bodovanja iz stava (5) ovog člana, Komisija sačinjava listu od kandidata kojima će biti dodijeljena sredstva (u daljem tekstu: lista kandidata).
- (8) Predsjedavajući i članovi Komisije potpisuju tabele nastale u okviru rada Komisije.

Član 7.

(Način raspodjele sredstava)

- (1) U skladu sa listom kandidata iz člana 6. stav (7) ovih Kriterija i prihvatljivim troškovima u okviru raspoloživih sredstava predviđenih Tekućim transferom za tekuću godinu Komisija predlaže iznose sredstava za dodjelu vodeći se smjernicama za dodjelu sredstava iz člana 2. ovih Kriterija, a naročito uzimajući u obzir:
 - a) potrebe i interese društvenog i privrednog razvoja Zeničko-dobojskog kantona, kao i razvijanje naučnoistraživačke djelatnosti na području Zeničko-dobojskog kantona, te dostavljeni podatak o iznosu sredstava planiranih za organizovanje naučnog skupa,
 - b) dostavljeni dokaz o iznosu kotizacije s tim da se jednom kandidatu dodjeljuju sredstva za najviše dvije kotizacije,
 - c) dostavljeni podatak o iznosu sredstava planiranih za realizaciju naučno-istraživačkih i stručnih projekata od značaja za društveni i privredni razvoj Zeničko-dobojskog kantona,
 - d) dostavljeni predračun ili račun o troškovima štampanja udžbenika i monografije, a sredstva se dodjeljuju na način da se svakom autoru dodjeljuje jednak procenat od iznosa navedenog u dostavljenom predračunu ili računu o troškovima štampanja udžbenika i monografije, a vodeći računa o raspoloživim sredstvima u okviru Tekućeg transfera,
 - e) dostavljeni dokaz o uplaćenom iznosu sredstava za objavu radova u časopisima referiranim u relevantnim indeksnim bazama navedenim u Tabeli A. Glavne indeksne baze podataka i Tabeli B. Ostale indeksne baze podataka Pravilnika o registru domaćih i međunarodnih serijskih publikacija Univerziteta u Zenici, sredstva se dodjeljuju na način da se nastavno-naučnim radnicima dodjeljuje jednak procenat od iznosa navedenog u dostavljenom dokazu o uplaćenom iznosu sredstava za objavu radova,
 - f) potvrdu fakulteta o troškovima prijave i odbrane doktorskog rada i listom kandidata iz člana 6. stav (7) ovih Kriterija, te se raspoloživi iznos sredstava dijeli na sve kandidate sa liste kandidata u jednakim iznosima.
- (2) Prilikom raspodjele sredstava Komisija prvo odlučuje o dodjeli sredstava za korisnike iz člana 1. stav (1) tačkaka b), d), e) i f) ovih kriterija, a preostala sredstva se dodjeljuju za korisnike iz tačkaka a) i c) člana 1. ovih kriterija.
- (3) Prijedloge akata o odobravanju sredstava kandidatima sa liste kandidata, ministar Ministarstva za obrazovanje nauku, kulturu i sport upućuje Vladi Zeničko-dobojskog kantona na usvajanje.

Član 8.

(Donošenje akata Vlade i obavijest o rezultatima)

- (1) Vlada Zeničko-dobojskog kantona donosi akte o odobravanju sredstava.
- (2) Akti Vlade iz stava (1) ovog člana, dostavljaju se korisnicima sredstava putem Ministarstva za obrazovanje nauku, kulturu i sport.

Član 9.

(Izveštaj o namjenskom utrošku sredstava)

- (1) Kandidati kojima budu odobrena sredstva iz člana 1. ovih kriterija obavezni su dostaviti izvještaj o namjenskom utrošku sredstava u roku određenom aktom Vlade o odobravanju sredstava.
- (2) Kandidati na konkursu koji nisu blagovremeno dostavili izvještaj o namjenskom utrošku sredstava koja su im dodijeljena u prethodnoj fiskalnoj godini, nemaju pravo učešća na konkursu za dodjelu sredstava i o tome im se šalje pojedinačna obavijest.

Član 10.

(Nepotpune i neblagovremene prijave)

- (1) Nepotpune i neblagovremene prijave se ne razmatraju.
- (2) Kandidatima koji su dostavili prijave kao u stavu (1) ovog člana šalje se pojedinačna obavijest.

Član 11.

(Način isplate sredstava)

- (1) Odobrena sredstva isplaćuju se iz Budžeta Zeničko-dobojskog kantona za tekuću godinu - „Tekući transferi pojedincima“ – „Tekući transfer za naučnoistraživačku djelatnost“ Budžeta Zeničko-dobojskog kantona.
- (2) Korisnici sredstava iz stava (1) ovog člana, dužni su Ministarstvu za obrazovanje nauku, kulturu i sport dostaviti izvještaje o namjenskom utrošku sredstava u skladu sa aktom Vlade o odobravanju sredstava.

Član 12.

(Period za koji se odnose Kriteriji za dodjelu sredstava za naučnoistraživačku djelatnost)

Kriteriji za dodjelu sredstava za naučnoistraživačku djelatnost se odnose na 2026. godinu.

Član 13.

(Stupanje na snagu)

Kriteriji stupaju na snagu danom donošenja i objavit će se u “Službenim novinama Zeničko-dobojskog kantona”.